

親征平定朔漠方略

二

親征平定朔漠方略卷之三十三

十一月乙卯

班禪庫圖克圖上疏謝

恩。理藩院奏曰。班禪庫圖克圖疏言奉到

勅書銀壺銀瓶銀碗巾幣之賜。不勝懼忭。先是使

人內齊傳

諭召臣赴京。此皆

皇上無疆之仁愛也。實有欽遵

聖旨前往之意。三寶可証。但臣身尙未出痘疹。皆前

世之命也。畏忌實深。而且有鬼沮之。或見之
夢。或見之上。云宜坐禪。用是陳情。伏祈

慈鑒。弗罪爲幸。查得班禪庫圖克圖。爲

勅書銀壺幣物之賜。且陳奏其不來原由。無庸議
者也。

上從之。

丙辰。

檄大將軍伯費揚古詳明報探。

上諭議政諸臣曰。費揚古報文內。止稱叅領阿爾納伯爾黑奉差偵探。還報云。職等十月十四日。到顏河之和爾博爾津腦兒等處地方。見有厄魯特住跡行踪。其日已久。是以前行一日。因馬乏。

而返。竝未視其駐扎之跡。竟未詳其人之多寡。馬畜廬帳之有無。夫去踪雖日久。尙可見也。差人躡探者。原欲知其情爾。茲不驗明來報。但開奉差人員之往返。勞人勞馬。差之何爲。其檄將軍費揚古。嗣後哨探之事。務必一一問明。條列奏報。

諭皇太子曰。二十七日。駐蹕於麗蘇村。二十八日。

駐蹕湖灘河朔。漢人稱此爲脫脫城。此卽黃河之岸。向彼岸仰射之。朕及皇長子。新滿洲之善射者。射過甚易。波流亦緩。非南方黃河之比較。天津入海狹河尤狹。二十九日駐宿。是日早。鄂爾多斯之王貝勒貝子公台吉等。俱渡河來見。朕詣河干。將河測量。其濶五十三丈。仰射而過五十餘步。於是登舟。朕與新滿洲逆流舉棹。以

試水勢。船猶可行。惟行船之具不佳。不便用力。
衆蒙古等皆驚訝。以爲此黃河逆流行舟。自我
祖宗累世以來所未有。往來過渡試之。斷不致
飄往下流。現流水漸。衆人難以全渡。惟冀其早
凍耳。自古以來。過十月下旬。未有不凍者。京師
水泊冰結之日。可記之報聞。自歸化城至黃河
岸。一百七十里。自黃河岸至殺虎口。未經量測。

到黃河之日。初覺寒冷。與京師凍河之日相似。
在此衣灰鼠羊裘狐腋。其年老之人。衣略加厚。
厄魯特赤馬一匹。遣送皇太子。馬甚佳。足健而
善走。又甚調良。以豆飼肥。更不知若何。又此處
喀爾喀所產羊。或係水土之故甚厚。朕故親視
用水烹熟。因候凍河。閒暇無事。親手執刀。去其
骨。置匣中馳送。可恭進。

皇太后前。三十日初一日駐宿。初二日早。蒙古等來報稱。距此地五十里西爾哈地方。今夜凍冰二段。每段有一里餘。我等官長皆以爲奇。特遣我來。今已衆人行走試看。若可渡。卽來奏聞。於是令鄉導官特固斯等往視。又念此時若送盛京所進之物。驛遞勞苦。朕此處各種食物皆有。但鹿尾鹿舌各五十。鰕魚鯽魚赭魯魚到時送少許。

至其他大魚腥。朕所不食。野雉亦勿送來。此地多而且肥。橘子柑子等物。雖到亦勿送來。果麵諸物。此地自寧夏取來。食之甚佳。雖御用好麵。製爲餅餌。以之相比。猶覺稍黑而硬。寧夏之麵。白而柔細。雖多食亦易化。葡萄亦佳。其名公領孫。大葡萄之蒂。環繞有小鎖子葡萄。曩時常食鎖子葡萄。而未見其如此結實。亦覺奇異。產梨

亦佳。初三日早遣人渡河。將鄂爾多斯王貝勒
貝子公等所獻良馬一百二十二匹內四十四匹
所獻常馬三百匹內一百二十匹。令驅赴黃河
彼岸。馬鞍從船渡。過渡時。見冰凌貼於兩岸。河
水比朕初到日不同。水波不興。與渡暢春園之
河相似。截流徑渡。兩岸蒙古等俱合掌稽首。相
與約誓云。此乃我等累世所居之地。此河尙且

如此效靈。更有何人。於我皇上之前。敢萌異志。
於是乘其馬。歷二時。布小圍三次。果鄂爾多斯
之地。言語不虛。圍獵嫻熟。雉兔復多。此地雖有
沙岡。然皆平阜。草多叢生。馳騁并無可慮。朕自
幼聞鄂爾多斯之兔。今親見之。圍獵畢。申時照
前渡河。至駐蹕處。日暮時。庫斯等來奏。從西爾
哈地方。河之上流皆凍。伊等往來渡試。不致阻。

誤。朕於初四日駐宿。初五日。向西爾哈渡處移營觀之。輜重可渡則渡。若稍可虞。則駐宿一二日。此等事。俱繕寫奏聞。

皇太后宮中咸令聞之。

丁巳。

給右衛兵草料。先是大將軍伯費揚古奏曰。今春進征。馬匹短少。一到右衛。隨調官兵疾行。

於瀚海之間。是以馬愈羸瘦。副都統拜布等
移稱。今催喂馬。兵丁一時不能置馬。請就近
在大同。令借銀二十兩補買。又奏曰。右衛兵
冬春兩季。原給三匹草料。今請增給兵丁各
馬一匹爲四匹。給之草料。照大同喂馬例喂
養。

上以交議政諸臣議。至是議曰。查得近來奉

親在平定謝漢方明卷之三
旨。著右衛兵丁徐徐置馬。又奉

旨。右衛之兵。倘有調用。發京城每佐領四匹之馬。給與兵丁。上駟院馬。太僕寺馬。共一千五百匹。俟回時分撥。但蒙

皇上矜憐。著給右衛兵。春冬俱三匹草料爲定。應於右衛兵。不計馬之有無。俱給三匹草料。則兵丁可以整治器械而資生矣。

命下之日。行文大將軍。及右衛統領等。以文到之日爲始。令支三匹草料。至大將軍伯費揚古所稱借銀二十兩。增馬一匹爲四匹。照大同喂馬例之請。無庸議者也。

上從之。

貝勒宋喇卜請於察罕托揮以外捕獵造船。許之。

上諭尙書班第曰。鄂爾多斯多羅貝勒宋喇卜奏言。
察罕托揮以外地方多獸。請准臣等捕獵。准臣
等於黃河造船往來過渡。准僱邊內民夫。在臣
等地方耕田。爾可往宣旨。准其所請。察罕托揮
以外捕獵。黃河造船過渡。

戊午。

駕次喀林托會。員外二郎保報策旺喇卜灘出兵設